

კვლევითი
ინსტიტუტი
Gnomon Wise




კავკასიის ეკონომიკის ყოველთვიური
მიმოხილვა
მაისი 2026





ეკონომიკური ზრდა



კავკასიის ეკონომიკურ ზრდაზე რუსეთ-უკრაინის ომს კვლავ დადებითი ეფექტი გააჩნია, რასაც 2024 წელს მონეტარული შემსუბუქების ეფექტი დაემატა. შედეგად, ამ პერიოდში ზრდა 6.2%-მდე აჩქარდა. 2025 წლიდან ზრდის ტემპი ისევ შენეულდა. წინა წელს ეკონომიკა 4.4%-ით გაიზარდა. მიმდინარე წლის იანვარ-მარტში რეგიონის ეკონომიკა 3.4%-ით გაფართოვდა.


✚ 2024 წელს საქართველოს ეკონომიკა 9.5%-ით გაიზარდა. გასულ წელს ეკონომიკა 7.5%-ით გაფართოვდა. მიმდინარე წლის იანვარ-მარტში ზრდის მაჩვენებელი 9.1% იყო. ზრდაში მნიშვნელოვანი წვლილი ტელეკომუნიკაციების, მრეწველობის, ტრანსპორტის, პროფესიული საქმიანობებისა და მშენებლობის სექტორებმა შეიტანეს. კლება დაფიქსირდა ადმინისტრაციული და დამხმარე მომსახურებისა და სტუმართმასპინძლობის დარგებში.

🇦🇲 2024 წელს სომხეთის ეკონომიკა 8%-ით გაიზარდა. გასულ წელს ეკონომიკა 9.2%-ით გაფართოვდა. 2026 წლის იანვარ-მარტში ეკონომიკა 7.1%-ით გაიზარდა. სომხეთის ეკონომიკურ ზრდაში განსაკუთრებულ როლს სავაჭრო სექტორი თამაშობს, რომელმაც ამ პერიოდში 2.1%-ით მოიმატა, სამშენებლო დარგმა კი - 22%-ით. მომსახურების სექტორში გამოიშვება კი 7.4%-ით გაფართოვდა.

🇦🇿 2024 წელს აზერბაიჯანის ეკონომიკა 4.1%-ით გაფართოვდა. გასულ წელს ეკონომიკა 1.4%-ით გაიზარდა. მიმდინარე წლის იანვარ-მარტში კლებამ 0.3% შეადგინა. აზერბაიჯანის ეკონომიკის სტრუქტურაში 27.9%-ს ნავთობისა და გაზის ინდუსტრია იკავებს. ამ ინდუსტრიის გარეშე ზრდის ტემპმა 0.2% შეადგინა. სოფლის მეურნეობა კი მხოლოდ 1.2%-ით გაფართოვდა.



ინფლაცია და მონეტარული პოლიტიკა



ინფლაციის მაჩვენებელი კავკასიის რეგიონში ეკონომიკური ზრდის ტენდენციებს ნაკლებად იმეორებს. საუკეთესო მდგომარეობა სომხეთშია, ხოლო ფასების დონის ზრდის შედარებით მაღალი მაჩვენებელი საქართველოში დაფიქსირდა.

✚ 2025 წელს საქართველოში ინფლაციის ტემპი, წინა წელთან შედარებით, აჩქარდა. 2026 წლის აპრილში სამომხმარებლო ფასების წლიურმა ზრდამ 5.9% შეადგინა. აპრილის ინფლაციაში მაღალი წვლილი სურსათისა და უალკოჰოლო სასმელების ფასებმა შეიტანეს, რომლებიც 7.5%-ით გაიზარდა. თუმცა რიგ სექტორებში ფასების კლება დაფიქსირდა, მათ შორის კავშირგაბმულობის ფასები ყველაზე მეტად, 4%-ით შემცირდა. ამ ფონზე ცენტრალურმა ბანკმა ბოლო გადაწყვეტილებით რეფინანსირების განაკვეთი 8.25%-მდე გაზარდა.

🇧🇪 წარსულში რეგიონში ფასების დინამიკით სომხეთი გამოირჩეოდა. 2026 წლის აპრილში სამომხმარებლო ფასების წლიური ზრდა 5.3% იყო. ყველაზე მაღალი, 9.5%-იანი ზრდა ალკოჰოლის ფასებზე დაფიქსირდა, ხოლო დასვენებისა და გართობის ფასები 0.3%-ით შემცირდა. სომხეთის ცენტრალურმა ბანკმა მონეტარული პოლიტიკის შემსუბუქება 2023 წელს დაიწყო. ბოლო გადაწყვეტილებით რეფინანსირების განაკვეთი 6.5%-ზე შენარჩუნდა.

🇦🇲 აზერბაიჯანში ინფლაცია აჩქარდა. 2026 წლის აპრილში სამომხმარებლო ფასების წლიურმა ზრდამ 5.5% შეადგინა. მარტში ეს ნიშნული 5.6% იყო. აზერბაიჯანი რეგიონში შედარებით მაღალი ინფლაციით წინა პერიოდებში გამოირჩეოდა. მიუხედავად ამისა, აზერბაიჯანის ცენტრალური ბანკი პოლიტიკის გამკაცრებისგან თავს იკავებდა. აპრილში მიღებული გადაწყვეტილებით პოლიტიკის განაკვეთი 6.5%-ზე შენარჩუნდა.